



Indgået

27 OKT. 2016

Til:

Inatsisartunut ilaasortaq

Peter Olsen, Inuit Ataqaatigiit

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqutininut nr. 253-imut akissutit

22.10 2016
Sagsnr. 2015 -7450

Qujanaq apeqquteqaatinut, taakkua uani akissuteqarfigissavakka.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Apeqqut 1. Nunatsinni suliffeqarfinni assigiinngitsuni, sulinngitsoortarneq pillugu pitsaanerusumik nutartigaarnerusumillu paasissutissaateqartoqalernissaa pillugu Naalakkersuisut suliaqarnissamik pilersaaruteqarpat?

Akissut: Suliassaqarfimmi tassani kisitsisinik paasissutissanik tamakkiisunik suliaqarsinnaassagaanni suliffeqarfiit tamarmik sulisuminnut tamanut suliarungitsoortartunut nalunaarsuiffii tamarmiusut ukioq naallugu nalunaarsugaasut tamaasa pigisariaqarput. Suliassarlu taamaattoq annertoorujussuuvuq, taamaatumik apeqqummut akissut naatsoq tassaavoq naamik, tamanna piffissami qaninnermi naammassiniassallugu periarfissaangilaq. Kisiannili ukiumi kingullermi suliarungitsoortarneq suliffeqarnermilu pissusilersoriaatsit pillugit ineriartortitsilluni suliat suliffeqarfinni immikkut toqqakkani ingerlanneqartut tapersersugarisimavagut, piffissamilu matumani Royal Greenlandimi ingerlanneqartut, tassani annertunerusunik misissuinerneq ingerlataqartoqarsimavoq, ilaatigut Sisimiuni aalisakkanut suliffissuarmi. Suliat ingerlanneqartut qanimut malinnaavigaagut, ersarinnerusunik paasisaqarumalluta, sooq taamak ajornakusoortigisarnersoq suliffeqarfimmi tassani naammattunik sulisussaqaarniarneq eqqarsaatigalugu.

Apeqqut 2. Suliffissaaleqisunut, inunnullu ilinniaqqinnissaminnik qaffassaqqinnissaminnunniit pisariaqartitsisunut iliuuserineqartarsimasut, taakkualu sunniutigisarsimasaat pillugit, kissaatigineqarsimasutut iluatsipallaarsimanginnerannik Naalakkersuisunut ilisimasaqarnerlutik?

Akissut: Naamik, ilisimasaqanngilagut suliniutit ingerlanneqartartut sunniuteqannginnerannik. Kisiannili misissuinerneq arlalinnik peqarpugut takutitsisunik suliniutit sunniuteqartartut. Naallu soorunami kissaatiginarsinnaasaraluartoq suliniutit suli annerusumik sunniuteqartassasut, taamaattoq naammagisi-
maarpagut naammassisaasartut takusakkagut, - tassunga atatillugu takuuk tabeli 1. Pikkorissartinneqartartunit 2014-imi peqataasunit 53 %-it pikkorissareernerup kingorna qaammatit arfinillit qaangiunneranni suliffissaaleqisutut nalunaarsomeqarsimangillat.

Tabeli 1. Suliffissaaleqisunut immikkut ittumik 2012-2014-imi suliniutini tulluarsaqatigiinni siullerniittut pikkorissartut


	Pikkorissarnerit katillugit	Pikkorissarnissamut nalunaartut	Pikkorissarlutik naammassisut	Qaammatit 6-it qaangiunneranni suliffissaaleqinngitsut	Pikkorissarnikut suliffissaaleqinngitsut procentinngorlugit
2012	57	586	501	285	57 %
2013	42	546	458	220	48 %
2014	44	536	473	253	53 %
Katillugit	143	1.668	1.432	758	

Apeqqu 3. PKU-mut aningaasaliissutaasartut qanoq sunniteqarsimanerat pillugu nalilersuisoqarnikuunerluni?

Akissut: Aap, ukiut tamaasa PKU-mut aningaasaliissutaasartut qanoq sunniteqarsimanersut nalilersortarpavut, 2011-miilli taamatut iliortarluta. 2015-imi suliffissaaleqisutut nalunaarsukkat pikkorissartut katillugit 378-it peqataapput, inuussutissarsiutinut ilinniartinnit pikkorissartunit katillugit 816-iusunit.

Suliffissaaleqisutut nalunaarsukkat pikkorissarsimasut 2015-imi sanilliukkaanni pikkorissarsimasunut suli suliffissaaleqisutut marts 2016-imi nalunaarsukkanut, taakkua 200-nik ikileriarsimapput. Tassalu 53 %-i suliffissaaleqisutut nalunaarsorsimajunnaarsimapput.

Tabeli 2. Suliffissaaleqisut 2015-imi pikkorissartut, marts 2016-imilu malitseqartitsivigineqartut, inuussutissarsiutinut ilinniartinnit agguallugit



Tabeli 2-mi takutinneqarput suliffissaaleqisutut nalunaarsorsimasut pikkorissartut 2015-imi ingerlanneqartunik, inuussutissarsiutinut ilinniartinnit qulingiluar-

lutik ingerlanneqartunik (napparut tungujortoq) kiisalu pikkorissartut amerlassusaat marts 2016-iiimi suli suliffissaaleqisutut nalunaarsorneqarsimasut (napparut appalaartoq).

Inuussutissarsiutinut ilinniarfiit tamarmik ukiumi 2015-imi pikkorissartut marts 2016-imi suli suliffissaaleqisutut nalunaarsorsimasut ikileriarnerat misigisima-vaat.

Ingammik aatsitassanut ilinniarfiup misigisimavaa suliffissaaleqisutut nalunaarsorsimasut pikkorissartartut ikileriarnerat, pikkorissarnerminnik 2015-imi nam-massinnittut eqqarsaatigalugit, 2016-imi marts-imi nalunaarsuutit naapertorlugit. Taakkua pikkorissartitaminni maluginiarpaat taamaallaat 43 %-i suli suliffissaa-leqisutut nalunaarsorsimasartut. Aamma Campus Kujallermi appariarneq anner-tusimavoq, suliffissarsiortuni pikkorissartut 127-iniit ukiup tulliani 59-inut. Ta-matuma assigaa 44 %-it taamaallaat suli suliffissaaleqisutut nalunaarsorsima-suunerat.

Inuussutissarsiutinut ilinniarfinni tamani agguaqatigiissillugu pikkorissartut su-liffissaaleqisutut nalunaarsorsimasut marts 2015-imi 39,8 %-imik ikileriar-simapput, 2015-imi pikkorissartitsinernut sanilliullugit.

2015-imi ingerlanneqartunut atatillugu inuussutissarsiornermut ilinniarfinni ta-mani pikkorissareernerit kingorna suliffissaaleqisut amerlassusaannut pitsaasu-mik sunniutaasartut malugineqarput. Sunniutaasut immikkut qaffasissuusarput, pikkorissartitsisarnerit immikkut sulisussaaleqiffiusunut sammivilimmik inger-lanneqaraangata. Kiisalu misilittakkat pitsassuit anguneqartarput PKU-mi pikko-rissareersimasut sulisinnaanermut sungiusartinneqarnermik aqqusaagaqaraanga-ta: Sulisinnaanermik sungiusartinneqartut 90%-ii pikkorissarnerup kingorna suliffeqalertarput.

Taamaattumik tunngavissaqarluarpoq piginnaangorsaaviumik pikkorissar-titsisarnerit ingerlatiinnarneqarnissaat, ilaatigut PKU-mi. Naalackersuisullumi aamma suliffeqarnermi iluarsaaqqinneq annertoq ingerlanneqartoq aqputigalu-gu taamaaliorput, suliffissarsiortunut ajornanginnerulersinneqarmat ilitsersor-neqartarneq, tamatumalu kingorna piginnaasatigut kivitsiviusunik pikkorissar-titsisarnerit.

Inussiarnersumik inuulluaqqusillunga

Med venlig hilsen


Vittus Qujaukitsoq